

IZVJEŠAJ O RADU UDRUŽENJA FORUM GRAĐANA ZENICE za 2022. godinu

Planom rada za 2022. godinu cijela godina je proglašena jubilarnom i sve realizovane aktivnosti bile u znaku obilježavanja 30. godišnjice rada i djelovanja Foruma građana Zenice. Sve aktivnosti u protekloj godini realizovane su u skladu sa finansijskim i organizacijskim mogućnostima, pri čemu je glavna prepreka bila općedruštveno stanje izazvano posljedicama pandemije koronavirusa.

Za kontinuirano djelovanje i postignute rezultate u proteklih 30. godina građanskog aktivizama Forumu građana Zenice dodjeljena su dva značajna priznanja: Nagrada grada Zenice i Plaketa Zeničko-dobojskog kantona.

Pored planom realizovanih projekata, realizovani su i posebni programski sadržaji.
Kratki opis realizovanih projekata i aktivnosti:

1.

Zenička Čimburijada, tradicionalni običaj obilježavanja prvog dana proljeća, realizovan je kao finalna manifestacija 21. marta na Kamberovića polju. Kao i predhodnih godina, Forum je učestvovao u pripremi i realizaciji niza pratećih aktivnosti. Realizaciji ove zahtjevne i kompleksne manifestacije prethodile su obimne pripremne aktivnosti koje su obuhvatale više kontakata, razgovora i dogovora sa brojnim akterima. Realizovano je više različitih programskih sadržaja:

- Dječiji program – U susret proljeću obahvatio je dva sadržaja. Prvi je realizovan u zeničkom obdaništu „Pčelica“ gdje je priređen prigodan kulturno umjetnički program i podjela čimbura za mališane uz prisustvo animatora u maskoti Čimburko. Učestvovalo preko 100 mališana iz svih zeničkih obdaništa. Drugi sadržaj je realizacija tradicionalnog konkursa za izbor najboljih literarnih i likovnih radova učenika osnovnih škola pod nazivom „I stiže proljeće u moj grad“ koji je bio otvoren od 3. marta do 1. aprila. Izbor najboljih radova izvršio je Ocjenjivački žiri.
- Čimburijada 21. marta obilježena je proljetnim urankom više desetina družina, koje tradicionalno, u 6,00 sati, uz obalu rijeke Bosne, pečenjem Zeničkog čimbura obilježavaju prvi dan proljeća. U šatoru Foruma, za članove, organizatore, izvođeće programa i goste takođe je organizovano pečenje Zeničkog čimbura tokom cijele manifestacije.
- U jutarnjim satima aktivisti Foruma obišli su družine uz obalu rijeke Bosne pri čemu su se, uz podjelu su afiše sa programom same manifestacije i mjerama/propisima za ponašanje odnosno pridržavanje propisanih pravila i komunalnih odredbi, svi učesnici posebno upozorili na ekološke mjere, zaštitu prirode. Pri tome je sačinjen i spisak prisutnih društava/družina.
- Svečano otvaranje Čimburijade održano je ispred šatora Foruma. Posjetiocima su se obratili: predsjednik Foruma Faruk Kadrić i Gradonačelnik Zenice Fuad Kasumović.

Dijana Muminović u ulozi članice žirija proglasila je tri nagrađene fotografije sa konkursa na temu „Zenica kakvu volim“, a autorima su dodijeljene prigodne nagrade naših sponzora. Izložba fotografija je postavljena na prostoru ispred šatora Foruma.

- U partnerstvu sa Udruženjem kuhara BiH održano je VII Takmičenje u pravljenu Zeničkog čimbura. U takmičenju je učestvovalo pet ekipa. Stručni žiri je proglasio tri najuspješnije ekipe kojima su dodijeljene prigodne nagrade naših sponzora.
- Prvo proljetno kupanje u rijeci Bosni obavio je Zijad Zahirović.
- Sportski rafting klub „Bosna“ je organizovao tradicionalnu regatu na rijeci Bosni na relaciji Drivuša - Kamberovića polje. U regati su učestvovali rafting klubovi iz destak gradova BiH.
- Restorani „Salčinović“ su pripremili i podijelili posjetiocima čimbur od 1500 jaja.
- Kulturno zabavni program izveli su Duvački orkestar Zenica, članovi ansambla „Bosnia folk“ i orkestar „Zeničke meraklije“.
- Firma „Vispak“ je kao promociju svojih proizvoda organizovala besplatnu podjelu bosanske kafe iz već poznate velike džezve.
- Zapaženu ulogu promocije Čimburijade ostvario je i animator maskote Čimburko tokom svih dešavanja u interakciji sa najmlađim posjetiocima.
- Brojna udruženja su tokom Čimburijade uz druženje promovisala svoje aktivnosti.
- Duž desne obale rijeke Bosne, počev od Ušća babine rijeke uključujući i adu Jagnjšće pa do željezničkog mosta u Blatuši bilo je preko 90 družina.
- U oficijelnom šatoru organizovan cjelodnevnij prijem za zvanice iz javnog života grada Zenice, sponzore i donatore Čimburijade, izvođače kulturno-zabavnog programa, Pored domaćih posjetilaca na Čimburijadi su bili i gosti iz Sarajeva, Živinica, Mostara, Banja Luke, Bihaca, Viteza, Odžaka, Travnika, Tuzle, Zavidovića i Zeničani iz dijaspore. Procjenjuje se da je Čimburijadu posjetilo preko 8000 posjetilaca. Voditeljski tim projekta: Faruk Kadrić, Mirsad Mujkić, Vladimir Franjić, Drago Đorđić, Tvrtko Mišanović i Muhsin Ibrahimagić.

2.

U sklopu projekta „Stećci - Biseri srednjovjekovne Bosne“, a povodom obilježavanja 819. godišnjice Bilinopoljske izjave, 8. aprila u parku Kulina bana organizovan je prigodan kulturno-umjetnički program i postavljena izložba sa panoima o stećcima. „Stećci-Biseri srednjovjekovne Bosne“. O historijskom značaju Bilinopoljske izjave koja svjedoči o državnosti srednjovjekovne Bosne kao i o sadržaju izložbene postavke o stećcima, govorio je dr. Edin Bujak, profesor na Filozofskom fakultetu Univerziteta u Sarajevu. U okviru ovog programa obavljani su i rezultati i dodjeljene nagrade i diplome učenicima osnovnih škola za literarne i likovne radove sa konkursa „I stiže proljeće u moj grad“. U ime žirija rezultate konkursa saopštio je Faruk Kadrić, a nagrade, diplome i prigodne poklone sponzora učenicima su dodjelili Vladimir Franjić i Mirsad Mujkić, predstavnici Foruma. Voditeljica i naratorica poetskih tekstova bila je Sabina Kulenović, glumica BNP Zenica,

3.

U parku Kulina bana 29. augusta organizovana je manifestacija obilježavanja 833. godišnjice Povelje bana Kulina. Taj dan se obilježava i kao dan Zeničko-dobojskog kantona.

U pripremanju za ovu manifestaciju organizovana je akcija uređenja parka bana Kulina koju su realizovali aktivisti udruženja Forum građana Zenice, članovi partnerskih nevladinih organizacija i veći broj građana, posebno mladih simpatizera našeg udruženja. U ovoj akciji je zmijenjena oštećena državna zastava na jarbolu u parku, detaljno očišćene i uređene travnate površine i cvijetnjak i sve pješačke staze u parku nasute i uređene novim pijeskom.

Na manifestaciji su realizovani sljedeći programski sadržaji:

- Intoniranje državne himne.
- Prigodno obraćanje Mirsada Mujkića, potpredsjednika FGZ.
- Emitovanje tonskog zapisa teksta Povelje bana Kulina.

- Kazivanje prof. dr. Dževada Drine sa Pravnog fakulteta Univerziteta u Zenici o historijskom značaju Povelje bana Kulina.
- Muzički program u izvedbi djece iz JU za predškolski odgoj i obrazovanje Zenica i mladog zeničkog baritona Ahmeda Juhića.
- Izložba „Stećci – biseri srednjovjekovne Bosne“ sa fokusom na lokalitete Zeničko-dobojskog kantona.

4.

U okviru obilježavanja 30 godina rada i djelovanja, Forum građana Zenice je realizovao javnu tribinu „Govor-Razgovor-Dogovor ≈ društveno okupljanje i povezivanje“ koja je održana 28. novembra u sali Gradskog vijeća.

Cilj organizovanja tribine bio je da se predstavi pojam, važnost i korisnost društvene kohezije (društveno okupljanje i povezivanje) za zajednicu, kao i da se razmotre odgovarajući načini za njeno jačanje na lokalnom nivou.

U svojstvu panelista učestvovali su prof. dr. Nerzuk Ćurak sa Fakulteta političkih nauka Sarajevo, Velida Kulenović, novinarka Radija FBiH, prof. dr. Samir Lemeš sa Politehničkog fakulteta u Zenici, doc. dr. Mirza Džananović sa Filozofskog fakulteta u Zenici i moderator Muhsin Ibrahimagić, predsjednik Foruma građana Zenica.

Učešću na tribini odazvali su se predstavnici javnog i nevladinog sektora, studenti kao i ostali građani Zenice. Tribini su prisustvovali i predstavnici medija.

Nakon izlaganja panelista i diskusija u kojima su učestvovali i posjetioци, usaglašeni su stavovi/zaključci koji upućuju na nove inicijative i aktivnosti za jačanje društvene kohezije i tako pokrenu pozitivne promjene u gradu Zenica.

Tribina je održana u saradnji sa neformalnom koalicijom „Positive Tolerance“ Zenica kojupodržava Misije OSCE u BiH.

5.

Na sjednici Predsjedništva udruženja, dana 16. 11. 2022. usvojen je Pravilnik o dodjeli priznanja.

6.

Povodom 30. godišnjice rada i djelovanja, 7. decembra u Muzeju grada Zenica održana je Svečana skupština Foruma građana Zenice. Tim povodom prigodna obraćanja imali su Vladimir Franjić, predsjednik Skupštine i Muhsin Ibrahimagić, predsjednik Foruma. Istaknutim pojedincima i organizacijama koji su svojim društvenim ili profesionalnim djelovanjem značajno doprinjeli promociji Zenice i punaprijedili rad Udruženja, zatim prijateljima i sponzorima i medijima, dodijeljena su prigodna priznanja: Pozlaćeni medaljon bana Kulina; Počasni član Foruma; Plaketa i Zahvalnica. Prigodne muzičke sadržaje izveli su članovi ansambla „Ardiente“.

7.

U Muzeju grada Zenica priređena je multimedijalna izložba „Naših 30 godina građanskog aktivizma“. Izložba je zvanično otvorena 7. decembra.

Na izložbi su predstavljeni projekti i aktivnosti Foruma na 11. led ekrana i 14 panoa. Izložba je bila otvorena do 16. decembra, a posjetili su je građani Zenice i Zeničani iz dijaspore kao i učenici OŠ „Edhem Mulabdić“. Autori izložbe su Mirsad Mujkić i Faruk Kadrić.

8.

Povodom jubilarne godišnjice izrađen i odštampan kalendar za 2023. godinu, autora Vladimira Franjića, u kojem je prikazano 12 fotografija Zenice odabranih sa javnog konkursa „Zenica kakvu volim“.

9.

Učešće u javnim raspravama:

- Na poziv gradske uprave u okviru neformalne koaliciji NVO „Positive Tolerance“ obavljena je rasprava o Nacrtu Strategije razvoja grada Zenica za period 2022.-2027.godine - segment Situaciona analiza i Strateški cilj -2 (odnosi se na organizacije civilnog društva). Kao članica koalicije ostvarili smo značajno učešće na definisanju sugestija i prijedloga ovih dokumenta koji su upućeni gradskoj upravi.
- Obavljena rasprava o Nacrtu Gender akcionog plana grada Zenica za period 2022. do 2025. godine. Konkretno primjedbe, sugestije i prijedlozi dostavljeni su Gradskom vijeću.

10.

Promotivne aktivnosti:

- Na poziv Federalne TV pozvani smo da predstavimo Zenicu u sklopu TV serijala „Svako dobro“. Snimanju je obavljeno na tri lokacije u gradu a o znamenitostima grada kazivali su: Faruk Kadrić, Drago Đorđić i Muhsin Ibrahimagić.
- U sklopu 7. Međunarodnog salona vina „Vinozeus“ koji je održan 31.03.2022. godine u hotelu „Dubrovnik“, Forum građana Zenice je bio nosilac promocije knjige „Vino i vinogradi u srednjovjekovnoj Bosni“ autorice Naide Kovačević. Promotor knjige bio je Mirsad Mujkić.
- Izrađen info-letak „Naših 30 godina građanskog aktivizma“.

11.

U protekloj godini, 01. 04. održana je Izvještajno-izborna Skupština Foruma građana Zenice na kojoj su usvojeni izvještaji o radu i materijalno-finansijskom poslovanju za 2021. Godinu. Usvojene su izmjene i dopune Statuta udruženja, te izvršen izbor članova organa Foruma.

Za predsjednika Foruma građana Zenice izabran je Muhsin Ibrahimagić, a za predsjednika Skupštine Vladimir Franjić.

Potpredsjednici udruženja su Vukica Marjanović-Suljić i Mirsad Mujkić.

12.

Osim redovnih sastanaka predsjedništva držan je više sastanaka radnih grupa, projektnih timova i Programskog odbora. Pored toga, u realizaciji programskih zadataka i o aktuelnim temama ostvarivani su kontakti i dogovori sa članovima Predsjedništva putem e-mail-a i wiber grupe.

13.

Projekti i aktivnosti Foruma imali su veliki odjek u široj javnosti o čemu svjedoče brojne informacije i prilozi objavljene u elektronskim i printanim medijima i društvenim mrežama (BHT; FTV; RTV Zenica; TV Hayat; TV N1; TV1, OBN TV; NTV IC Kakanj; BH radio; radio FBiH; radio M; radio Stari grad Kalman radio; Radio Tuzla; radio Brčko; radio Sarajevo; Zenit radio; Zenica blog; agencija Fena; klix.ba; Zenica info; 072 info; Direktno.ba; Miruh Bosne; Faktor; Skyscraper city Canada, direktno.ba; zdkinfo; krupljani.ba; ilidzagrada.net; Sarajevo Times; i drugi)

O svim događajima građani su informisani i putem naše face book stranice.

Izvještaj usvojen na sjednici Predsjedništva udruženja, dana 01. februar 2023.

Predsjednik
Muhsin Ibrahimagić